

Փնտռել զՔրիստոս

զայն երկրպագելու նպատակով

«Մենք... եկամք երկրպագելու իրեն» (Մտք. 2.2): Մոգերը նորածին Փրկիչը տեսնելու հետաքրքրուքենէ մղուած չէ, որ կը փնտռէին զինք: Անոնց նպատակը իրեն երկրպագելու էր: Տարբեր նպատակով պէտք է փնտռենք Քրիստոսը: Այսօր որքա՛ն մարդիկ կան, որոնք եկեղեցի կ'երթան ո՛չ թէ հանդիպելու Քրիստոսի եւ երկրպագելու իրեն, այլ՝ հանդիպելու իրենց բարեկամներուն: Եկեղեցի կ'երթան ո՛չ թէ լսելու Քրիստոսի ձայնը, այլ լսելու քարոզիչին կամ իրարու ձայնը: Ինչպէս մոգերը երբ տուն մտան իրենց ուշադրութիւնը կեդրոնացուցին Յիսուսի վրայ եւ ո՛չ թէ ուրիշ բանի մը վրայ, այնպէս ալ մենք, երբ եկեղեցի երթանք՝ պէտք է մեր հայեացքը կեդրոնացնենք Յիսուսի վրայ:

ՄԵԿ ՏԱՐՈՒԱՆ ԸՆԹԱՅՔԻՆ ԿԱՐԴԱՆՔ ԱՄԲՈՂՁ ԱՍՏՈՒԾԱՇՈՒՆՉԸ

ՅՈՒՆՈՒԱՐ 2020

11	Ծննդոց 27,28	Մատթէոս 8:18-34
12	Ծննդոց 29,30	Մատթէոս 9:1-17
13	Ծննդոց 31,32	Մատթէոս 9:18-38
14	Ծննդոց 33,34,35	Մատթէոս 10:1-23
15	Ծննդոց 36,37,38	Մատթէոս 10:24-42
16	Ծննդոց 39,40	Մատթէոս 11
17	Ծննդոց 41,42	Մատթէոս 12:1-21
ՕՐ	Հին ԿՏԱՎԱՐՍՆ	ՆՈՐ ԿՏԱՎԱՐՍՆ

ՀԱՍՅԷ.

ՃՐԱԳ ԸՄԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- [facebook-ի էջ jerak](https://www.facebook.com/jerak) ճրագ թերթ

ՅԱՅՏԱՐԱՐՈՒԹԻՒՆ


ՅԱՅՏԱՐԱՐՈՒԹԻՒՆ ԵՐԵՔՉԱԲԹԻ ԳԻՇԵՐՈՒԱՆ ՍՈՒՐԲ ՊԱՏԱՐԱԳ ԵՒ ՀԱՅ ՔՐԻՍՏՈՆԷԱԿԱՆ ԿԵԱՆՔԻ ՔՆՆԱՐԿՈՒՄ

Կազմակերպութեամբ Կրօնական ժողովին եւ Ազգային առաջնորդարանի «ԱՅՈ» երիտասարդական յանձնախումբին, ամէն երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցւոյ մէջ, սուրբ պատարագ պիտի մատուցուի:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդածուծիւն պիտի կատարէ Լիբանանի Հայոց առաջնորդ՝ Գերշ. Տ. Նարեկ Արքեպիսկոպոս:

Նաեւ, ամէն երեքշաբթի գիշեր, ժամը 8:00-9:00, Ազգային առաջնորդարանի «Երջօ Սամուէլեան – Եռագոյն» սրահին մէջ, Արժ. Տ. Ղեւոնդ քհն. Լոշխաճեան Աստուածաշունչի սերտողութիւն պիտի կատարէ մեր ժողովուրդի զաւակներուն համար:

Միտելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:



ՔՈՒ ԽՕՍՔԻ ԽՍ ՌՅՔԵՐՈՒՄ ԵՐԱԳ Է ՈՒ ԽՍ ԵԱԽԻՆՇՈՐՈՒՄ ԼՈՅՍ (ՍԿ.119-105)

ԺԳ. ՏԱՐԻ ԿԻՐԱԿԻ, 12 ՅՈՒՆՈՒԱՐ 2020 ԹԻՒ 2

ԿԻՐԱԿԻ ՕՐԵՐՈՒ ԱՍՏՈՒԾԱՇՈՒՆՉԱԿԱՆ ԸՆԹԵՐՑՈՒՄՆԵՐ
ՃՂ. ըմք. Հոմ. 1.1-7:
ՅԻՍՈՒՍ ՔՐԻՍՏՈՍԻ ԱԽԵՏԱՐԱՆԸ ԸՍՏ ՂՈՒԿԱՍ 2.1-7

ՅԻՍՈՒՍ ՔՐԻՍՏՈՍԻ ԱԽԵՏԱՐԱՆԸ ԸՍՏ ՂՈՒԿԱՍԻ 2.1-7

Այդ օրերուն Օգոստոս կայսր հրամանագիր հանեց իր կայսրութեան սահմաններուն մէջ գտնուող բոլոր բնակիչներուն մարդահամարը կատարելու: Այս առաջին մարդահամարը տեղի ունեցաւ Սուրիոյ կառավարիչ Կիւրենիոսի օրերուն: Ամէն մարդ իր ծննդավայրը կ'երթար իր անունը արձանագրել տալու համար: Յովսէփ, Դաւիթի սերունդէն ըլլալուն համար, Գալիլայի Նազարէթ քաղաքէն ելաւ եւ իր անունը արձանագրել տալու համար գնաց Հրէաստանի Բեթլեհէմ քաղաքը՝ Դաւիթ թագաւորի ծննդավայրը: Իրեն կ'ընկերանար իր նշանածը՝ Մարիամ, որ յղի էր:

Բեթլեհէմի մէջ, Մարիամի ծննդաբերութեան ժամանակը հասաւ եւ ծնաւ իր անդրանիկ զաւակը, որ փաթթեց խանձարուրի մէջ եւ դրաւ մատուրի մը մէջ, որովհետեւ պանդուկին մէջ իրենց համար տեղ չկար:

«Տէ՛ր, յիշէ՛ զիս...»

«Տէ՛ր, յիշէ՛ զիս, երբ քու թագաւորութեամբդ գաս» (Գկ. 23.42): Քրիստոսի խաչակից աւագակը աշխարհի մէջ եղաւ առաջին անձը, որ այս բառերը արտասանեց: Իրմէ ետք միլիոնաւոր հաւատացեալներ կրկնեցին նոյն իր խօսքը, յայտնեցին նոյն փափաքը՝ տեղ ունենալ թագաւորութեան մէջ: «Տէ՛ր, յիշէ՛ մեզ, երբ քու թագաւորութեամբդ գաս»: Յիշէ՛ մեզ երկնաւոր Հօր դիմաց եւ բարեխօսէ մեզի համար: Յիշէ՛ մեզ երբ գաս աշխարհը դատելու եւ գթա՛ մեր վրայ: Յիշէ՛ մեզ երբ կենաց գիրքին մէջ արձանագրուած անունները աչքէ անցնելու սկսիս: Յիշէ՛ մեզ երբ սկսիս յախտենական ու անդառնալի վճիռ արձակելու: Յիշէ՛ մեզ մեր մահուան պահուն եւ բարի հրեշտակներդ որկէ մեր դիմաւորութեան: Յիշէ՛ մեզ»:

**ԱՂՕԹՔ ՅԱԶՈՂՈՒԹԵՆԷ
ՄԸ ԵՏՔ**

Բարերար Աստուած, միայն դու ես որ զիս քու բարիքներովդ կ'ողորդես:

Կ'օրհնաբանեմ քեզ եւ շնորհակալութիւն կը յայտնեմ այն բոլոր բարիքներուն համար՝ որ առատօրէն անարժանիս կը պարգեւես քու սիրոյ գանձերէդ: Կը փառաւորեմ քեզ եւ ամբողջ սրտովս գոհութիւն կը յայտնեմ, միշտ եւ ամէն բանի համար, եւ ամէն բանէ աւելի կը խնդրեմ, որ քու արքայութիւնդ, արդարութիւնդ եւ իմաստութիւնդ շնորհես ինձի, որպէսզի կարենամ լաւապէս մատակարարել ձրիօրէն քու տուած պարգեւներդ, կանուխէն խորհելով եւ պատրաստուելով ապագայ ճախորդութեանց, եւ ըստ այնմ յօժարակամ ուրախութեամբ կարօտեալներուն տամ ինչ՝ որ պէտք է իրենց, ինչպէս դու կը բաւարարես իմ բոլոր պէտքերս: Կ'աղաչեմ, քու բարի պարգեւներուդ հետ միասին, նաեւ խոնարհ, հեզ եւ գթասիրտ հոգի մը սուրբ ինձի, որպէսզի քու կամքիդ եւ սուրբ օրէնքիդ համաձայն ապրիմ, եւ նոյնիսկ երբ ճախորդութեան եւ չքաւորութեան, վիշտերու եւ տագնապներու մատնուիմ, կարենամ տոկալ եւ կրել քաջութեամբ, անտրտունջ եւ գոհունակ սրտով, միշտ շնորհակալութիւն յայտնելով քու սուրբ կամքիդ համար՝ որովհետեւ քեզմէ՛ է ամէն բան, եւ դո՛ւն ես, որ կը հատուցանես մեր գործերուն եւ մտածողութեան համաձայն: Քեզի փառք յաւիտեանս: Ամէն:



**ՊՕՐՈՍ ԱՌԱՔԵԱԼԻ ՆԱՄԱԿԸ
ՀՈՍՄԱՅԵՑԻՆԵՐՈՒՆ
1.1-7**

Ես՝ Պօղոս, ծառան եմ Քրիստոս Յիսուսի, որ զիս կանչեց իր առաքելաբան ըլլալու եւ պաշտօն տուաւ Աստուծոյ Աւետարանը քարոզելու: Սուրբ գիրքերուն մէջ արձանագրուած կը գտնէք, թէ Աստուած կանուխէն իր մարգարէներուն միջոցաւ խոստացաւ տալ այս աւետարան, որ կը վերաբերի իր Որդիին՝ մեր Տէր Յիսուս Քրիստոսի, որ իբրեւ մարդ՝ Դաւիթի սերունդէն ծնաւ, բայց որ իբրեւ Աստուծոյ Որդի յայտնուեցաւ, երբ իր Սուրբ Հոգիին զօրութեամբ մեղքներէն յարութիւն առաւ: Ան էր, որ ինձի առաքել ըլլալու շնորհէր տուաւ, որպէսզի իր անունին հաւատալու եւ հնազանդելու հրաւիրեմ բոլոր ազգերը, որոնց կարգին դուք ալ Յիսուս Քրիստոսի պատկանելու կանչուեցաք:

Ողջո՛յն բոլորիդ որ Հոռոմ կը բնակիք: Ձեզի՛ որ Աստուած սիրեց եւ իր սուրբ ժողովուրդը ըլլալու կանչեց: Թող Աստուած մեր Հայրը եւ Տէր Յիսուս Քրիստոս շնորհէ եւ խաղաղութիւն պարգեւեմ ձեզի:

ԱՌԱԿ 2

Եթէ իմաստութիւնը միշտ ներկայ ըլլայ մէջդ եւ գիտութիւնը անձիդ համար օգտակար նկատես, այն ատեն բարի խորհուրդները քեզ պիտի պահեն եւ մաքուր մտածումները քեզ պահպանեն, որպէսզի քեզ փրկեն չար ցանապարհէն եւ նենգամիտ մարդէն:

ՍՈՒՐԲԵՐ ԵՒ ՏՕՆԵՐ

ԱՆՈՒԱՆԱԿՈՉՈՒԹԻՒՆ

Քրիստոսի անունին, այսինքն՝ Յիսուս անունը դրուելու յիշատակութիւնն է: Յիսուս կը թարգմանուի Փրկիչ, ինչպէս հրեշտակին կողմէ դնել հրամայուած էր Մարիամու Աւետման ատեն (Դուկ. Ա.31) եւ ինչպէս իրօք ալ դրուեցաւ ծնելուն Ը. օրը թլփատութեան արարողութեան առթիւ (Դուկ. Բ. 21), Հրէական օրէնքին համեմատ: Անուանակոչութիւնն իբր առանձին տօն նշանակուած չէ Տօնացոյցին մէջ, այլ նոր օրացոյցները սովորութիւն ըրին այսպէս նշանակել Ծննդեան Ը. օրը, Յունուար 13-ին, փոփոխելով Տօնացոյցին նշանակած Թլփատութեան տօնը: Յիսուս անունը գործածուած է սովորաբար ատետարանին մէջ, բայց այժմ ատելի գործածական է Քրիստոս անունը, որ է Մեսիա՝ Օծեալ: Աւետարանին մէջ Քրիստոսի տրուած է նաեւ Էմմանուէլ անունը (Մտք. Ա. 23), հետեւելով Եսայեայ մարգարէութեան (Եսայ. Է. 14)

ԱՌԱԿ. ԳԼՈՒԽ ԺԵ 10-12

Բարի մարդուն իրատը ընդունելի է հարազատներուն համար, իսկ անոնք որ յանդիմանութեան չեն հանդուրժեր՝ վարկաբեկիչ վախճան պիտի ունենան:

Երբ մահն ու կորուստը յայտնի են Տիրոջ, որքան եւս առաւել՝ մարդոց սրտերը:

Անուղղայ մարդը չի սիրեր զինք յանդիմանողը եւ չի հաղորդակցիր գիտակից մարդուն հետ:

**ՄՇՏԱՊԷՍ ԱՍՏՈՒԱԾԱՇՈՒՆՉ
ԿԱՐԴԱ՝**

Սովորութիւն դարձուցէ՛ք միշտ որոշակի ժամերու կարգալ Աստուածաշունչը: Ամենէն յարմարը առաւօտեան կարգալն է: Կարգալ սկսելէ առաջ Սուրբ Հոգիէն խնդրել, բացատրել Տիրոջ խօսքը, որպէսզի հասկնաս եւ պատգամները կիրարկես կեանքիդ մէջ: Այն ատեն Սաղմոսերգուին պէս պիտի կարենաս ըսել. «Քու խօսքդ իմ կեանքիս ճրագն է» (Սաղմոս 119.105): Աստուածաշունչ կարգալը թող հիմնաւորուի քու կեանքիդ մէջ:

ԱՆԴԱԴԱՐ ԱՂՕԹԵՆԸ

Աստուածաշունչ կարգալէ զատ պէտք է աղօթել: Սկիզբը դժուար կ'ըլլայ: Կը թուի, թէ Սատանան կը փակէ բերանդ, եւ մտածումներդ կը խառնուին: Աղօթելու ժամանակդ ալ քեզ կը մղէ, որ քնանաս: Այս պարագային՝ բարձրաձայն աղօթէ: Եւ մի՛ կարծեր, թէ պէտք է անպայման գեղեցիկ աղօթել: Կարեւորը սիրուն խօսքերը չեն. Աստուած մեր սիրտին կը նայի: ...

**ԽՐԱՏ ԲՈՂՈՐ ՔՐԻՍՏՈՆԵԱՆԵՐՈՒՆ.
ՅՈՎՀԱՆՆԷՍ ԵՐԶՆԿԱՑԻ՝
ՀԱՒԱՏՔԻ ՄՍՍԻՆ**

Հաւատքը մարդուն սիրտին մէջ արմատացած տունկ է, որուն արմատը՝ Հայրն է, արմատին վրայ գտնուող ուտը՝ Որդին է, տունկին եւ ոստին վրայի անթառամ ծաղիկը՝ Ս. Հոգին, իսկ քաղցրահամ պտուղը՝ բոլոր բարի գործերն են, որովհետեւ պտուղը՝ արմատէն, ոստէն եւ ծաղիկէն կը յառաջանայ, ինչպէս բարի գործերը՝ հաւատքէն: Ինչպէս, որ ծառը առանց պտուղի գեղեցիկ չերեւիր եւ առանց ծառի պտուղ չըլլար, նոյնպէս հաւատքը առանց գործի վայելուչ չէ, ոչ ալ գործերը՝ առանց ճշմարիտ եւ ուղիղ հաւատքի: